

Bahan asal dari Arkib
Negara Malaysia

Pertahanan kita sejajar dengan dasar luar — PM

KUALA LUMPUR, Isnin — Dasar pertahanan negara merupakan satu dasar yang berupaya untuk berdikari dalam menghadapi ancaman dari dalam dan luar negeri, Dewan Negara diberitahu hari ini.

Perdana Menteri, merangkap Menteri Pertahanan, Datuk Seri Dr. Mahathir Mohamad menegaskan, dasar pertahanan negara dibentuk sejajar dengan dasar luar negara yang bersifat berkecuali.

Perdana Menteri berkata demikian dalam jawapan bertulis kepada pertanyaan Senator Datuk Haji Mohd. Nor Mohamad.

Menyentuh soalan yang dibangkitkan oleh Ahli Yang Berhormat mengenai pertolongan asing dalam mendapat alat-alat pertahanan percuma itu, beliau berkata, di sini bukan percuma dalam ertikata sebenarnya, tetapi hanya mempunyai tujuan dan implikasi tertentu.